

PM umum `durian runtuh' untuk peneroka Mei ini
Utusan Online
31 Mac, 2012

BERA 31 Mac - Datuk Seri Najib Tun Razak berkata, beliau akan mengumumkan nilai `durian runtuh' yang dijanjikan kepada peneroka berikutan penyenaaran Felda Global Ventures Holdings (FGVH) pada satu majlis himpunan raksasa warga Felda di negeri ini pada Mei depan.

Menurut Perdana Menteri, nilai pemberian itu dijamin menyamai maksud durian runtuh itu sendiri yang merupakan satu lonjakan berganda kepada peneroka sekali gus membuktikan kerajaan Barisan Nasional (BN) bukan berjanji kosong.

``Kalau saya istilahkan ia durian runtuh, tak kan ia sama dengan Bantuan Rakyat 1Malaysia (BR1M), RM500. Tentu jangkannya lebih. Banyak mana, tunggu, kita akan buat satu perhimpunan raksasa di negeri Pahang ini sebab inilah negeri yang terbanyak rancangan Felda dan di negeri Pahanglah lahirnya Felda.

``Insyallah pada Mei akan datang. Biar suspens sikit, bila kita tunggu sesuatu yang kita nak sangat, maka bila dapat tu, rahmatnya, rasa syukur itu dirasai lebih lagi," katanya ketika berucap pada Majlis Bersama Perdana Menteri yang dihadiri lebih 10,000 orang di Felda Triang Tiga di sini hari ini.

Hakcipta Terpelihara © UTUSAN MELAYU (M) BERHAD

Source:

http://www.utusan.com.my/utusan/info.asp?y=2012&dt=0331&pub=Utusan_Malaysia&sec=Terkini&pg=bt_08.htm